



1 JUNI 2022
Lukas 18: 15-17



Ipasu-pasu Jesus anak-anak



Sejarah pernah mencatat uga kerna anak sindatken pengalaman pahit ibas geluhna. Lit sekalak anak si ididik bapana alu keras. Sada paksa ia nuriken cita-citana man bapan:”pa, ateku jadi seniman”. Alu cakap si kasar nina bapana ngaloisa:”kai? Jadi seniman Atem?labo datum pangan arah je nari” la dorek, engko arus jadi bagi aku”. Ise metehsa, anak si pernah sekolah Kristen dinggen pernah ka ersura-sura jadi pandita, terluka erkiteken lalap itulak ras ndatken kekerasan ibas masa kitikna, mengubah arah kegeluhenna. Ise anak e? eme Adolf Hitler, sekalak dikاتور Jerman si munuh jutaan kalak Jahudi. Asum kita ngoge perikopta wari enda, kai nge si lit ibas pusuhta kerna anak-anak kitik enda? Janah kai nge si igejapkenn? Paksa sie, labo ieteh anak-anak e maka kerehenna labo iarapken bagepe anak-anak e labo ialo-alo tapi itulak. Mungkin ibas perukuren kalak dewasa paksa sie: uga ka kin pemeteh anak-anak e, adi kai pe labo iangkana”. Padahal anak-anak kitik, lit ibas ia alam pikiran sendiri, sebab ia erlajar arah kai si idahna, ibegina ras kai si iperdiatekenna. Emaka megati kal anak-anak kitik igelari filsuf alamiah, si nungkun kerna kai pe, si mperdiateken kerna kai pe silit ibas sekelewetna. Adi perikopta enda ngadi terjeng ibas ayat 15, uga nge si terbayang ibas kita nandangi anak-anak e. Banci saja nina ibas ukurna,” kepeken labo lit ertina aku enda, kepeken alu labo ianggap kai pe, kepeken aku labo penting man kalak enda”. Tapi puji Tuhan, perikopta la ngadi ibas ayat 15, tapi Jesus ndilo anak-anak e janah nina, “pelepas anak-anak e reh ndahi aku, ola ambati ia. Sabap kalak si bagi enda kap empuna Kinirajan Dibata. Kai kata kuncina? Tapi. Adi lit pengalamanta waktu kitik itulak, la ianggap kai pe, ntah anak-anakta si gundari pe nenganami itulak kalak sideban janah erbansa lit luka batin, tapi...nina Tuhan, “Aku tetap ngalo-ngalo kam....Aku tetap ras kam....aku si pepalem lukandu e...Aku si masu-masu kam. Maka Tuhan Jesus pe erkeleng ate man anak-anak kitik janah arah anak kitik e, Ia erbahan sada persinget maka anak-anak e desken Kinirajan Dibata. Kalak si ngaloken anak kitik, ialokenna Kinirajan Dibata janah kalak si ngaloken Kinirajan Dibata arus maka ialokenna ras ikelengina anak-anak kitik.

Bagi seorang anak, orangtuanya mewakili kehidupan di dunia ini. Dia percaya bahwa cara yang ditunjukkan orang tua mereka dalam mengerjakan segala sesuatu adalah benar dan layak ditiru. (M. Scott Peck)

